

Eaque bene ac feliciter evenisse comperi-
mus, cum amplissimum patrociniū Excel-
lentissimi & Reverendissimi D. Fr. ANTO-
NII FOLCH de CARDONA Valentia
Archiepiscopi SACRÆ CÆSA-
RÆ CATHOLICÆ MA-
JESTATI à penitioribus consiliis, &
maximi Hispaniarum Confessus in eadem Aula
Præsidis laboribus nostris comparatum est. Li-
teris enim id honoris, & pretii tribuit inter
præcipuas maximasque Imperii curas, ut do-
ctissimus licet, novo semper ardentiori deside-
rio colat, consiliorumque præstantiâ uberrimos
eos vigiliarum fructus Immortalitati Princi-
pis, & populorum commodo tulerit, quos
nulla futurorum temporum invidia sit ereptu-
ra. His fusiùs recensendis, neque locus hic,
neque par stylus: id tamen unum minime
dissimulavero, quòd ejus beneficio in album
officiorum Sacri Cæsarei Palatii adscriptus,
comparandis Cæsareæ Bibliothecæ codicibus
honore maximo sim electus, eruditique mu-
neris decorem uni mihi, etsi omnium impe-
ritissimo tribuerit CÆSARIS Cle-
mentia; unde perpetuum animi obsequium
nullo umquam satis argumento profitear.

Has optimas operis nostri sortes in ipso ve-
luti primo vestibulo novisse non injucundum
tibi fore lector humanissime putavi, mibique
necessarium, ut si quid utilitatis, vel com-
modi ab ipsius lectione acceperis, acceptu-